

欽定古今圖書集成

方輿彙編職方典



欽定古今圖書集成方輿彙編職方典

第六百二十七卷目錄

嘉定州部彙考一

嘉定州建置沿革考

嘉定州疆域考

有圖

形勝附

嘉定州星野考

嘉定州山川考

水利附

職方典第六百二十七卷
嘉定州部彙考一
本州
總志

職方典第六百二十七卷

嘉定州部彙考一

嘉定州建置沿革考

本州

總志

禹貢梁州之域周武王時為蜀國秦為蜀郡地
漢武帝通西南彝置犍為郡武帝末初六年得
古磬劉向上封事遂改嘉定光武改漢嘉晉復
為犍為郡領縣四後沒於李雄梁普通中改置
青州西魏改眉州後周復為青州尋改嘉州領

縣五及置平羌郡隋初廢郡州存大業初改眉山郡治龍游縣唐初復為嘉定領縣八又別置眉州嘉定如故天寶初改犍為郡乾元中仍為嘉州宋初因之慶元初陞為嘉定府開禧初又置嘉慶軍節度領縣五元置嘉定路領州二縣六明洪武四年改府領邛眉榮龍游等州縣九年降為州改榮邛為縣并龍游入州玉津應靈入犍為分青神丹稜彭山立眉州成化間分大邑蒲江立邛州本州編戶十里領縣六

皇清因之編戶五里

犍眉縣

漢南安縣地屬犍為郡後周初為平羌縣後改犍眉縣隋改青衣屬眉州唐屬嘉州宋併綏山羅目二縣入焉元因之明因之編戶六里隸嘉定州

皇清因之編戶三里

洪雅縣

漢南安縣地後周立洪雅縣隋屬眉州元併入

夾江明復為洪雅縣編戶六里隸嘉定州

皇清因之編戶四里

夾江縣

漢南安縣地隋分龍游平羌二縣地於夾江成

置縣屬眉州唐屬嘉州宋因之元併洪雅縣入

焉明因之編戶一十五里隸嘉定州

皇清因之編戶四里

犍為縣

漢南安縣地後周置沉犀郡及武陽縣隋降為

犍為縣隸戎州唐屬嘉州宋併玉津縣入焉明

因之編戶八里隸嘉定州

皇清因之編戶二里

榮縣

漢南安縣地齊屬南安郡隋置太牢屬資州唐

析太牢置旭川縣以縣置榮州後置義和郡復

改榮州宋改榮德縣後復為義和郡元復為榮

州屬嘉定路明降為榮縣編戶七里隸嘉定州


皇清因之編戶二里

威遠縣

漢蜀郡地隋置威遠戍唐改為縣屬榮州宋因
之元初省入犍為改屬嘉定路明置今縣編戶
四里隸嘉定州

皇清因之編戶二里康熙六年歸併榮縣

嘉定州疆域圖



嘉定州疆域考

總志州縣志合載

本州

東至犍為縣界五十里又至內江縣界二百六十里

西至峨眉縣界六十里又至雅州界二百里

南至犍為縣界僅三里又至宜賓縣界一百二十里

北至青神界五十里

東南至犍為縣界僅十五里

東至犍為縣界僅十五里

西北至峽江縣界四十里

北至省城三百里北至

京師陸路六千里水路一萬餘里

東西廣四百六十里南北袤一百七十里

峩眉縣

東至嘉定州界二十里

西至峩眉山麓十里抵洪雅縣界五里

南至青龍場二十里又山行抵歸化鄉六十里

其外即蠻彝地界

北至峽江縣界十里

東至本州八十里至省城三百五十里北至

京師六千五百里水路九千八百四十五里

洪雅縣

東至丹稜縣一十五里

京西至雅州界九十里

南至峩眉縣界八十里

北至丹稜縣界五十里

東南至峽江縣界二十五里

西南至榮縣界一百二十里

西北至名山縣界九十里

自縣至省城二百四十里北至

京師六千里水路九千八百里

東西廣九十里南北袤一百里

峽江縣

東至眉州界三十里過界抵州一百二十里又

至青神縣界二十里過界抵縣五十里

西至峩眉縣界十五里過界抵縣四十里

南至本州界四十里過界抵州八十里

北至丹稜縣界二十里過界抵縣六十里

西北至洪雅縣界三十里過界抵縣五十里

自縣東南至本州八十里至省城三百二十里

北至

京師五千五百里由嘉州水路九千九百四十里

犍爲縣

東至榮縣界一百里

西至馬湖府界七十里

南至叙州府宜賓縣界六十里

北至嘉定州界九十里

東北至井研縣界九十里

東至本州一百里北至省城四十里北至

京師六千一百里水路一萬里

榮縣

東至威遠縣界三十里

西至犍為縣界九十里

南至宜賓縣界一百四十里

北至仁壽縣界三十里

東南至富順縣界九十里

東北至資縣界九十里

西南至宜賓縣界九十里

西北至井研縣界六十里至

京師六千餘里水路一萬餘里

形勝附

本州

華陽國志西有熊耳南有峨眉

東接江陽南接朱提北接蜀郡西接廣漢
鮮于之武谷亭記孤清秀絕

劉伯熊題名記山水爲蜀冠冕

宋邵博清音亭記山水之勝蜀曰嘉州

宋鮮于繪議道堂記背負三峩襟帶二江

舊志水路要衝

岷江從北來繞出郡背青衣涼山諸水自西來
會之縈迴衝激郡宛中央憑高屬日豁然大觀
九峰秀如芙蓉屏擁其左三峩翠若列眉鼎峙

其右控西南之襟喉爲東北之要會明秀雄勝

果甲全蜀

峨眉縣

龍門峭峙三峩雄秀

洪雅縣

宋費庭崇德廟記義州居江山佳勝

宋孫長民紹興時記環山帶江靈氣秀發

宋李冰廟記山之南北相抗東西迤邐者近如
屏闌遠如戶闔迴環襞疊各有攸處邛崃大江

來自坤隅瀾漫平衍

峩眉瓦屋固護於外月珠洞溪翊輔於內

峽江縣

居南蜀之中隸嘉州上游西揖瓦屋東跨中巖

青衣水繞於南黑虎山峙於北

犍爲縣

西列翠屏南鎮旗山漢水繞其東栗山環其北

龍池蕩瀆鳳嶺巍峩

榮縣

唐進士王禹志封域千里東界資江西接夜郎

南俯戎熨北抵陵陽

地里志榮地四塞山川重阻

朝野雜記本爲藩鎮

宋劉道成記藩邸重鎮

圖經形負五山西首東尾東西四水合流城南

榮梨之松如龍盤鳳鳴之竹多茂實五山倚北

二水環南

嘉定州山川考

總志州縣志合載

本州

高標山 自瓦屋而來中間起伏蜿蜒千餘里
一脈如線直貫州城主頂端巖左右張兩翼如
翔鳳一名萬景山宋有萬景樓廢成化中知州
魏瀚就其址為尊經閣亦廢正德壬戌知州段
鑑建萬壽觀於其上軒豁壯麗以為習儀之所
栽松柏近千株皆成合抱森秀蒼鬱遙望儼若
鳳毛嘉靖初年又植楠數株大幾兩圍尤青葱

可愛殆勝境云兵火之後頽圯有客題壁云幾
番風捲白雲開鼓動松琴入座來寄與後人休
剪伐一株株是段侯栽少叅張西山延士讀書
其上名曰高標書院舊有層樓江山千里一目
可盡宋范成大詩若爲喚得涪翁起題作西南
第一樓按明一統志在州西一名高望山

龍頭山 在高標左上有五松亭松虬曲蒼古
今存其一迤邐入州治爲中和山麗譙據其上
王鳳山 在高標右一名白虎山與龍頭對峙

山盡處爲蝦蟆嘴以形肖名皆堅石足障狂瀾
西城因其陰

凌雲山 在治東山有九峯又名九頂曰鳳集
曰栖鸞曰靈寶曰丹霞曰祝融曰擁翠曰兌說
曰望雲曰就日衆水會其下蘇轍詩巉巖九頂
峰可愛不可住

東山 一名聖岡在凌雲之右俯錦江屏列江
上平正壁立如張榜然又名榜山詳見東山寺
按總志在州治前與凌雲寺相連按明一統志

唐杜甫詩遠林通後徑一郡接前岡

烏尤山 在凌雲之左距州治五里狀如伏牛
本名烏牛山宋黃庭堅易牛爲尤一名烏龍一
名豚岩一名青衣山屹然水關鎖水口令東折
而去詳見烏尤寺黃庭堅建涪翁亭始易今名
又總志亦載青衣山與此不同

九龍山 在東山之右臨江距州治四里石壁
刻龍九相傳唐元宗幸蜀時刻強半磨泐其存
者矯然有勢詳見龍泓寺按明一統志在州治

東北九龍形舊刻石崖上

馬鞍山 以形肖名在烏尤山之左臨水山腰
有古柏倒生石隙中爲烏尤輔佐在州治東南
七里亦關水口賴有此山

三龜山 在東山之右以形肖名別志分上中
下第山勢自北而南志乃上南得無倒置乎宜
以下爲上近龍泓中次之下又次之中龜山腹
空洞與風相薄隱隱有聲名半天洞莊子所謂
天籟也形似龜而首足皆具中一龜循其跡而

上彎環有九洞

紅巖山 在馬鞍山之下州治東南十五里界
隄止此山色正赤產鹽商竈叢焉

石犀山 在州東十五里有巨石狀如犀俗名

石牛取精久而有靈或鑿或穢觸之輒不利總

志云在東北三十里山有二岬如牛狀

協氣山 在州東二十里俗名歇氣以山勢高

峻必歇息而後可登也走麻坪路達井研尤捷

馬落山 在州東十里保平鄉青泉鋪

尖山 在馬落山南二里其形高銳此東尖山

也與西尖山對峙

水兌山 在州北一里高標之來脉州之邨山

也塚纍纍然舊志所載聖水等山皆此山之別

名也不重記

錦岡山 一名錦江山在州北三十里江水經

其下故名山最高乃李白題詩處黃庭堅亭其

上曰太白今廢總志云在治北四十里江自成

都環流此山下儼如帶云

卓望山 在州東北三十里相傳卓王孫墓在焉此去臨邛四百里王孫不應葬此

石像山 在州西二里其下為大佛壩依山石鑿一佛像如凌雲而小相傳先作此以為式耳按明一統志有石鑿彌勒佛

白佛山 在州西北六里石龕鑿三佛自成白色刮去旋復本色

五臺山 一名印臺山體方平故名

梨花山 在州西七里舊有梨花百株嚼其花

可以止疾今無

西尖山 在州西十五里下為紙房雅水經流與東尖山對峙

蘇稽山 在州西二十里過尖山渡東坡曾稽古於此故名相傳成化中有掘地得其遺硯者為督學王勅取去

五高山 在州西四十里與綏山對五峰突兀以象五行

玉屏山 在州西三十里其下為鹽泉鎮沫水

經焉山形壁立如屏高可百丈

冠冒山 在州西十里遠望儼如幞頭故名

茶山 在州西五里與水城相望舊產茶今無
山勢長而平如案

洛都山 近茶山又名龜山以形肖名總志云
在州治南卽郭璞所謂將州對洛都也

金燈山 在州西南五里舊名至樂山宋王朴
居此其址有淵每歲人日郡守張燈於此以油
灑水觀其紋以占歲之豐歉今塞按明一統志

王朴號清閑處士

青衣山 在大江中屹然迴絕石壁蒼峭周廣
十里長坡四匝

揚雄山 在州西一里有洞深邃雄隱居於此
按明一統志舊有子雲亭

海棠山 在州治西山多海棠爲遊賞之地

蓮花山 在州治東八里山陽有溪四時不竭

內產蓮花

白巖山 在州治北八十里有清風白雲朝霞

三洞昔徐庸於此著書

四峰山 在州治東十里渡江而北三十里如連珠者四極高千里可望其第三峰之腰有洞洞有三石笋高三丈並立蔽洞下有清泉歲旱不涸左右松竹間石磐數十皆寬坦可坐十人默齋居士曾隱此以耕樵自樂每手持道書登峯嘯詠焉

雙鶴洞 與爛柯近洞門刻雙鶴有泉自一竇出雖旱不涸

郭璞巖 在烏尤山右蘇轍詩巖有古郭生此地苦箋註區區辨魚虫爾雅分細縷洗硯去殘墨遍水如墨霧至今江上魚頭存遺墨處

第一洞天 在州治西十里洞敞深邃可坐數千人弘治間督學王勅伐草萊得之定茲名以配峩山之勝

爛柯洞 在州治對江巖上有東坡大書爛柯巖洞四字有詩但得身閑便是仙眼前黑白漫紛然請君試向巖中坐一日真如五百年

方響洞 在州學前舊名丁東黃山谷更今名
有詩古人題作丁東水自古丁東直至今我為
更名方響洞信知山水有清音

朝霞洞 在州治南程公望寓此註易蘇老泉
攜二子過此

白雲洞 在治西八十里

清風洞 前云州治北八十里白巖山有清風
白雲朝霞三洞此又云朝霞洞在治南白雲洞
清風洞俱在治西八十里

治易洞 在九頂山後宋郡守吳祕題名山磨
巖四大字銘曰聖作易晦其數劉傳吳識易祖
蘇文公詩自昔遙聞太守高明爻象豕日忘勞
洞中陳迹今如掃斯道何曾損一毛

江水 在州城東一曰錦江俗曰府河按水經
發源於氏道縣之岷山經灌口至成都一支由
新津至武陽合流抵九峯山下與青衣沫水會
此正江水四瀆之一也

青衣水 在州城西青衣古縣名在蒙山之西

故以名水源出六番經零關至雅州飛仙關與
邛崃水合行五里與周公水合又百里與花溪
水合入南安界經峽江下九盤至雙湖距州十
五里與沫水合九峰山下會於江

沫水 在州城西按水經發源於西南廣袤徼
外由鐵豹嶺經漢源卽大渡河中鎮銅山茶山
邁東而下爲金銀三漕至雙湖與青衣合同會
於江按桑欽水經及西南夷列傳明言沫若水
此禹跡中之名水也而舊志以一夷惜水當之

晦矣夷惜水是其支流總爲沫水清冽迅澗大
於青衣水近有泝流輪輓者用小舟幾窮其源
與大渡河通

竹溪水 在州西北三里環溪多竹俗名祝公
溪從當年著姓齒德者而名猶張公溪之類舊
志竹王祝鷄翁之說皆不經發於雲頭山北二
十里瀑聲撼兩崖間如雷下瀦爲龍潭流入山
谷凡九折而至此與江水合故上流名九溪溪
上有橋今圯此入省之大道往來如織水滌洄

湍激民甚患之少叅張公橋其上朞月又圯公乃少遷舊址伐石具材大爲結構衆心踴躍數月工成壯麗堅緻可垂永久名曰張公橋一云古夜郎國地相傳一女浣溪有竹浮而下中有啼聲取而視之乃嬰孩也及長封竹溪郎舊有竹溪橋

蘇溪 在州西二十里蘇稽鋪皆以蘇名重東坡也自峩眉麤石河來至七孔山下與符文水合俗名馬跳溪至尖山與青衣水合又至雙湖

與沫水合同達於江

臨江溪 在州西四十里發源於二峩山魚洞至蘇稽山下與沫水合以上二水凡峩眉谷皆從此出蘇溪自縣臨江至楊鎮利賴甚大總志云源出三峨山溪魚肥土人漁也

泥溪 在州東五里其來甚遠出仁壽萬山中東南流經中巖山後至小萬渡會於江舊志云出并研非是總志云泥溪河在州治東南五里源出平羌縣恐卽此

麻坪河 在州東北四十里出金銀岡至五塊石千佛崖與泥溪合方言凡水皆稱河

三溪 在平羌峽口板橋鱖魚港洞

張公溪 在平羌山谷中至跳磴子與泥溪合

大西湖 在瞻峩門外與大江隔一隄周環皆山大二十畝水平如鏡可以泛舟

小西湖 在大西湖西二百步許任給諫有齡有朋湖書屋面湖大僅大西湖三分之一皆種蓮今無按總志西湖在州城西方廣一里恐卽

前大西湖

浣龍池 在州東三十里保平鄉圍六百餘丈灌田數百畝

七池 五在城內二在城北門外合魁柄之數以厭火然皆窪下積水無源久多涸塞萬曆三十七年八年鬱攸不戒其爲變甚慘李侯一一清查挑濬便覺貼然

天生泉眼 與浣龍池近在三尊佛前深不可測旱禱輒應必神龍所宅也

岷江 在治東俗名通江自岷發源經平羌流繞烏尤山

瀘江 發源溫江經雙流界東流至州即統於岷江

陽江 在治南二百五十步源出大渡河一名峩水接玉海水出彝方入中國與青衣水合入江中

大渡河 源出舊州界經羅日入龍游界按明一統志水出麩金

明月湖 在州治一百步俗傳湖如月形郭璞詩鬱鬱復姑姑將州對洛都試看千載後依舊明月湖後隋鬱姑姑將軍開此東坡云勅賜詩人明月湖今涸

龍泓 在治東二甲舊龍游縣界東坡詩虛名無用今白首夢中忽到龍泓口

東巖泉 在治東宜釀酒宋蘇軾詩一時付與東巖酒

卦井 在治東相傳郭璞所鑿按明一統志所

載同

聖水井 在治北竹溪岸上聖水寺佛趺前水
甚清列州人有醮禳事必於此取以供獻歲旱
禱雨多應

洗墨池 在凌雲寺後清音亭之左東坡所鑿
池址尚存上建亭匾曰江山之勝臨池一覽全
收成都又有洗墨池三字刻石

峩眉縣

大峩山 在縣西自山下至頂一百二十里兩

山相對如蛾眉故又名蛾眉山周圍千餘里有
石龕一百十二大小洞四十南北有臺重巖複
澗莫測遠近為蜀山第一佛刹千百計唐陳子
昂詩浩然坐何慕吾蜀有峩眉李白詩峩眉山
月半輪秋東坡詩峩眉山西雪千里田錫詩高
高百里一曲盤八十四盤青雲端宋均詩不知
立處高多少只見星辰在下頭歷代詠名勝者
不可縷舉

中峩山 在縣南二十里又名覆蓬山劉向列

仙傳周成王時葛由常騎木羊上此山有葛仙洞諺云得綏山一桃雖不得仙亦足以豪故亦名綏山元和志云有古穴纔容一人行數里漸覺寬大有蝙蝠大如箕

小峩山 在縣南三十里一名鐔刃山與中峩大峩相連是為三峩宋趙抃詩蜀山天下奇三峩壓岷右誰謂孤劍峯名出嵩華外

四峩山 在縣北二十里高半大峩轟然屏峙雅稱奇秀昔人多遊覽焉幾歷燒劫尚有普賢

圓通樂道等刹以四峩名其來舊矣乃考華陽國志及蜀志諸書止有三峩初無四峩古人撰述幽微必悉何獨於此山而闕之耶又按總志小峩為鐔刃山今四峩亦有鐔山抑或紀略者誤附其名耶按峩山舊志大峩山東北有武陽龍尾山并仙者羽化之所夫縣在大峩東此山在縣北由大峩望此山不居然東北乎以此為古武陽龍尾似矣若四峩之名或因西南延接大峩近古好事者附會於三峩之次未可知也

龍門山 在縣西十里兩崖峭峙其形如削仰
觀青天僅露一罅相傳孫思邈棲真之所有種
玉溪真人巖藥竈藥臼朝真臺養龍潭絲水巖
虎眺石醮醮洞瀑布崖

鳳臺山 在縣西十里龍門之外形如鳳中有
石臺員外宿進大書鳳臺二字刻崖壁

十里山 出郭東南百步許即登小山路絕山
腰迤邐十里而止故名

花山 在縣西北十里許山形有稜瓣如花故

名有圓通寺多產茶

羅蒙山 在縣南三十里俗呼羅目山

隴定山 在縣南七十里佛圖澄曾採藥此山

白崖山 在縣南六十里下有龍池

三台山 在縣南二里

光明山 在縣西南十里

背風山 在縣南歸化鄉內

喜風山 在縣南歸化鄉內

石鳳岡 在中峯寺即鳳嘴石也

飛來岡 在縣北二里郭璞讖云二水臨東北
來山雙峽清坤申朝上對此地出公卿

龍門洞 在縣西十里石壁上有蘇東坡大書
龍門二字

伏羲洞 女媧洞 俱在峩眉山上

鬼谷洞 在峩眉山上相傳鬼谷子隱此山得
道上昇著書號瑤瑒子

雷洞 在峩眉山有七十二穴雷神居之時出
雷雨

魚洞 在縣南三十里峩眉山下其水混混夏

涼冬溫下即冷水河

九老洞 在峩眉山上

玉蟾洞 在縣南三十里在二峩山上

紫芝洞 在綏山半山脂結成芝形懸洞口上

俗稱猪肝洞

爛柯洞 在紫芝洞上一里洞口刻爛柯二字

按州志亦載爛柯洞與此不同

葛仙洞 在二峩山白崖溪上周成王時羌人

葛由騎木羊處

風洞 在九盤山傍古碑詩風洞初開日月新

桂花收拾个中人

鐵橋河 在縣北門外

麤石河 在縣北六里

虹溪河 在縣東三里

鍾乳河 在縣南二十五里水出山腹如乳

羅目河 在縣南出峩山麓右溪自小天池以

東左溪自黃毛坪以北經羅目廢縣合二溪之

委入江石甚奇怪

瑜珈河 在縣西十里溪內石頗細潤

中鎮河 即大渡河源出雋州經廢羅目縣東

南入龍游縣界按總志大渡河在州治內峩眉

縣治內未載此河

符文水 源出峩眉山水分兩派流於南者黑

水經羅目廢縣以下為冷水河流於北者白水

經縣治北為鐵橋河同入嘉定大江

彝惜水 在縣東南五十里發源雋州界按明

一統志中有嘉魚長三尺每年二月隨水而下
八月逆水而上入穴

天津水 在縣西南出徼外入沫水

秦水 在縣西南二十里秦惠王克蜀移秦人
萬家以實之秦人思秦之涇水於此水側置戍
謂之涇口唐天寶間改今名

種玉溪 在縣西一曰龍門亂石如玉故名

白龍池 在大峩山頂水極甘美中有龍子旱
時禱可致雨

龍池 在縣西南四十里峩眉山下有池廣長
十里號龍池

馬龍池 在縣西七里昔有一馬馳如飛村民
捕傷其足投之池中一夕雷雨大作劈山而去
八音池 在黑水寺過虎跳橋遊人拍一掌則
一蛙鳴餘蛙次第皆鳴數皆合八後一蛙復大
鳴一聲衆蛙卽止

洪雅縣

九勝山 屹然九峯近如屏闌遠若戶闥

月珠山 突起洞溪山有前一峯如月後一峯如珠按總志平地突起四無倚附故名

金鷄山 在縣東北五里相傳葛稚川棲此

烏尤山 在縣東十里山最秀拔

金釜山 在縣南二十五里昔有主簿修煉遺

有金釜卽李阿真人仙跡靈泉清冽宋直祕閣

張方石書靈泉古觀按總志松柏叢蔚昔有主

簿煮金修道因名金釜一名主簿山

八面山 南對大峩黛色若染視八面如一故

名雲氣開合可占雨暘

隱蒙山 屹然南岸晉處士龐居正隱此

漏倉山 在縣西南傳有聖僧居巖漏米足炊

雲占山 在縣西南七十里高出諸峯四時雲

氣籠罩

瓦屋山 在縣西南一百二十里至峯頂山門

寺爲榮經分界其山迴互數百餘里高出峩眉

上有聖燈巖夜見萬葉飛明出沒巖間有橋光

溪遇日照映氣結彩虹橫達兩岸如橋梁然有

鴛鴦池山插層雲百鳥絕跡惟此池多鴛鴦文羽特異有虎跳溪山川廣鬱藏獸百種溪多虎豹人蹤罕近有尖峰數十如羣笋相錯有泉眼七十二四時清冽雖盛暑猶挾纒擁爐山建刹宇皆覆以木皮或問禪惠大師瓦屋何以木皮蓋師答曰錦府豈從機上織劍門寧自匣中開銅山 在縣西南百里

邛峽山 聯瓦屋亦榮經分界

思經山 在縣西八十里山與雅州分界

遜周山 在大龍溪之西雅州有周公山武侯曾於彼夢周公因名卽禹貢蒙山也此山若與揖遜然

阿吒山 距縣七十里有巨石鐫佛百有八東巖瀑布千仞嚮撼山谷李白詩飛流直下三千丈疑是銀河落九天按總志在縣西一百里按明一統志峽江縣治內亦載此山

竹箐山 在縣西八十里其山多竹宋人石甃梯磴爲關設巡檢司今廢按總志在縣西二十

里

七華山 一名天功上有仙跡仙竈龍沱可雩

修文山 在縣西十里田錫讀書處按前峽江

縣志內亦載此山名其辯甚明

總岡 自名山逆折而西綿互百里總羣山脈

雷洞 在瓦屋山深不可測投石聲震按前峽

眉縣志峩眉山亦有雷洞

雪嶺 一名寶子山歲三四月雪光如玉宋范

忠宣詩雲堆雪嶺鋪銀界日射金仙照碧津

葛仙山 在縣治東葛仙嘗遊於此

雅水 源自靈關至雅州飛仙關合和川水自

榮經彝界羅崖州東西發源合邛峽水自邛峽

之彝徼發源三水合而經雅川下四十里至草

壩與名山之青衣水合其渡有橋去橋十餘里

為青水渡之發源四水合由峽而下至止戈鎮

匯花溪水則五水合流經隱蒙金釜受瀘溪水

歷峽江受峩眉川達嘉定入岷江按曹學佺蜀

名勝記云離堆川流東西屈曲百三十里而後

入大江所謂洪雅川也按明一統志洪雅川在洪雅縣西七十里東西曲流一百三十里經洪雅大川流繞本縣因名

花溪 發源嚴道縣鹿角山按總志在縣西六十里發源峩山之後流合青衣江按明一統志峽江縣治內亦載花溪

倒流溪 源自瓦屋西流至合周公水入雅江三溪 發源一自黃荆峽一自金鷄山一自中山坪合流按州志本州治內亦載此溪名

大龍溪 小龍溪 俱在徐邨去縣西南六十里有龍門溪左流為小龍溪右流為大龍溪盤曲回抱若游龍然

洞溪 在月珠山後
龍泉 在縣東十里
浣紗泉 在縣南五里

雲泉 在金釜山
翠微池 在烏尤山麓
碧玉池 在徐邨

鴛鴦池 在天功山麓

迴龍三灘 在止戈鎮下水激危石怒濤數里

黃豆灘 在潰災西北邑令陝以庠生周純議

為隄六十丈

龍吟灘 川流繞隱蒙督學王敕記略云近城

南岸低頽屢苦洪濤衝決下市方灣田廬半問

水濱且有浮賦之憂則堅堤議急矣

瀑布泉 有二一在徐村九龍山一在花溪飛

仙閣

峽江縣

雲吟山 在縣西二里雲出岫時膚寸而合松

濤一起儼若雲吟魏了翁讀書其上隸書雲吟

山三大字刊石今存

萬松山 在縣東北二十里山有三峯一峯居

中兩峯拱峙所產多松按總志在縣東北三十

里

平羌山 在縣東十五里後周置縣以此山名

道士常正一得道於此按總志在縣西十五里

伏龜山 在縣南三十里其山盤曲有九按總志在縣東三十里

鳳凰山 在縣西十里岡巒飛翥若鳳按總志在縣南十五里

虎履山 在縣東十里山多虎跡故名

天馬山 在縣東三十里一名馬鞍山

簾鉤山 在縣西北五里兩山夾江如簾鉤狀晉人詩日移紅影在簾鉤按總志在縣東三十里

葛藤山 在縣南三十里其上多葛按總志在縣東三十里

丈人山 在縣南三十里地名九盤有石峭拔狀若人立因名其下有雙石笋屹然山壁不知何代土人鑿折其尖按總志云在縣東十里化成山 在縣西五里與千佛巖對峙卽化山也天下二十四化山此居其一一名依鳳岡按明一統志在縣西三十里峰巒秀麗俯臨雅江晉李阿真人煉丹於此

修文山 俗名太平山宋田錫讀書於此後人刻石以紀其事按洪雅縣亦有此山名亦以田公故但此山之巔有田氏墓在焉或此為是按明一統志在縣西六十里田錫讀書於此後登第因名山之南麓雅江所注名曰龍潭

大觀山 在縣北五里又名觀斗山俯瞰平原一目百里縣治之主山也

牛仙山 在縣東北三十里上有剝其石巖間牛蹄仙跡尚存

中山 在縣東北二十里上有剝幽峻可愛

黑虎山 在縣西北十里邑之後鎮也故稱形勝焉上有黑虎觀今廢

隱蒙山 按明一統志在峽江縣西六十里晉處士龐居正字隱蒙者隱於此

洞溪山 按明一統志在峽江縣西六十二里一名月珠峰蓋前一峰如珠後一峰如月

阿吒山 按明一統志在峽江縣西一百里山崖有一巨石周迴鑄羅漢一百八軀東巖瀑布

千仞響撼山谷

仙掌洞 在峽江縣北舊傳李阿真人所居宋人書其壁跨龍門飲蟹泉磨仙掌叩丹竈

白龍洞 在峽江縣北一里古鑄石龍於其中遇旱祈禱輒應

青衣江 在縣城西一里發源自蘆山徼外東南流經嚴道洪雅過此至龍游與岷江合總志云在縣治西九十里

稚川溪 在縣治西三十五里源出峩眉後麓

三折而入於江按葛稚川曾丹竈於此遺跡尚存故名今人譌稚爲至且去稚而止名川溪矣龍鼻溪 在縣治西北十里繞龍鼻山而注於江故名按總志在縣治西南十五里

飛水溪 在縣西十里狀如素練李白所謂瀑布天落半與銀河爭流者又名瀑布泉

天水溪 在縣西五里一曰天生橋在依鳳岡東依鳳岡卽化成山也其橋天成下有澗水出焉

三洲 西岸斷續而下金石橙林景川雲豁詩
練光分派入三洲即此按總志在縣治西

蟠龍河 在縣治東十里山溪也至九盤之下
而會於江

海棠池 在縣治東三十里雖亢旱水不涸

佩玉泉 在縣治北五里古涇口之上從巖巔

飛瀑而下入於江石刻今存

花溪 按明一統志在峽江縣西六十里發源

雅州瓦屋山下注嘉陽大江

犍爲縣

黃旗山 在縣東一里形如展旗屹立江左拱

護城郭俗呼爲大小黃旗

天馬山 在縣東三里列犀江之左雙峰秀麗

有驕驪騰漢之狀

誥軸山 在縣東三里

文筆山 在縣東十里鄧侯建塔於上

喜雨山 在縣東十二里正德間天旱知縣程

麟禱此即雨故名

八墩山 在縣東七十里綿亘迢遙八墩上聳望之烟雲滿目

鐵山 在縣東南一百里產鐵剛利諸葛嘗取為兵器遺跡已沒

隆馬山 在縣南十里即孝女淑先雄棲神處犍為山 在縣南十五里形如伏犀昔人以犍

名縣蓋象此山從建牛之義舊云西南立石如牛故名犍為如敘府石牛寺是也

沉犀山 在縣南二十里秦李冰沉犀以壓水

怪說者又謂見犀牛渡江而沉此山下故古有來犀鄉之名

子雲山 在縣南二十里漢揚雄隱居構亭於上即劉禹錫陋室銘云西蜀子雲亭是也絕頂

有清淺一池不盈不竭知縣胡學載伐石題懸池二字

崖門山 在縣南四十里怪石巉巖往來不便宋開熙二年陳文饒開鑿人得安行有宋嘉定

古碑

香爐山 在縣南五十里高峯侵漢堪輿呼為
犍之捍門

大定山 在縣西一里壁立環抱儼若列屏一
名翠屏山成化間建資聖寺於其中宋邵博僑
居此山之西林木蒼鬱為邑奇觀昔時苦斧斤
斲落幾盡

文豹山 在縣西南一里起伏蜿蜒壯麗有文
俗呼為獅子山

牛心山 在縣西十五里為縣來脉

西浴三山 在縣西北五十里曰底山中山巔
山土細而白居民作陶咸取足焉

舞鳳山 在縣北二里秀發三峩形如飛鳳上
建岱宗王母諸祠三春景媚士庶咸禱於此前
有石坊題曰舞鳳名岡左右植梧桐取鳳非梧
桐不棲之義明末燼伐殆盡

皇清知縣劉靖寰復建如舊又殿後東向創建白衣
庵自是東南兩向更稱名勝康熙二十年間平
吳逆繕營此山土城軍竈池壕連絡三墩州縣

大路即在此下至今行者目擊神悚

掛榜山 在縣北二里平正壁立昔人號為犍

江天榜

象鼻山 在縣北二十里乃州郡通津知縣管

南山刻象山古渡四字於崖之石壁筆法甚勁

笏簡山 在縣北四十里山間突出一石端拱

如笏俗呼為黃笏簡

金粟山 在縣北五十里地多產桂宋白貽田

錫詩云金粟山前九月秋即此總志云在縣北

一百里按明一統志山多桂花如金粟又縣志

云今蕪

塔頂山 在縣北七十里

書樓山 在縣北百里郭璞記云孔子背書樓

紅壁山 在縣北百里地產白鹽

銅山 在縣北百五十里

張綱山 在縣東北五里以綱葬此得名

白崖 在縣西北五里土人掘地得石刻曰嘉

熙丁酉白崖老人逃難築室處題其屋曰永安

右福崖 在縣西北三十里

金鷄崖 在縣北二十五里

大巖 在縣北十五里懸巖百丈望之聳然

金蟾洞 在金蟾寺之前祥符己未升霞子題

迎仙洞

拱北洞 在縣北五里漢張綱遺址宋左鎮顏

其額曰文紀洞

沉犀洞 在沉犀山上懸赤壁下湧清泉宋高

士王叔倫居其左倫善書奉議大夫知漢州事

作大字歌贈之

子雲洞 在子雲亭之右石牀丹竈森然臚列

依稀一仙境也王叔倫書大儒不文下筆動九

天之風雨大將不武揮戈掃萬里之煙塵於洞

之石壁題曰子雲仙境

朝峩洞 在縣北六十里四望溪之右峭壁凌

空寒潭映月修真之士多憩於此

萬花春谷洞 在茗雲山縣北十里許與二峩

相對邑人劉寄題趙吏部正學有詩憶昔茗雲

峰上峰人在萬花春谷中泉噴寶珠聲漸漸水流太極光溶溶舉足方行兩三步仰面雲開千萬重嗟峩天外遙相見吾將抱月出峩東

小鬼巖 在縣南三十里

月巖 在縣南五十里沐溪之左

化隆臺石 在縣南五里黃花冲有邵博與妹

夫進士朱虛及妹花生墓

三聖石 在縣北六十里

石笋 在縣南七十里

石牛子 在縣南五十里沐溪山

月石 在縣東北六十里崖畔有石如月形因

書白崖蒼月四字於上

四望山 在縣東一百里按明一統志在縣東

南一百里

江水 在城東發源於氏道縣之岷山經灌口

至成都一支由新津至武陽合流與嘉之青衣

沫水會抵沉犀之東一曰錦江一曰犀水此江

水四瀆之一也漢成帝時得玉磬十六枚於水

濱劉向上封事制禮作樂以興教化按總志明
一統志漢水在縣東北一百八十里漢成帝時
得古磬十六枚於水濱故亦名寶磬川恐卽是
此

清水溪 在縣南十里源出馬湖至孝女渡入
江

四望溪 在縣東北七十里發源三江鎮下與
岷江合進一十里卽古應寧舊縣按明一統志
在縣東北一百里

葫蘆溪 在縣北三十里

瓊瑤溪 在縣北十五里

鹽井溪 在縣北二十里明初產鹽今涇

赤硃溪 在縣北二十五里

石板溪 在縣北三十里產石灰可充井竈

蘿葉溪 在縣北三十五里

井筒溪 在縣東北八十里正德末土人掘井

煮鹽忽泉皆爲油蕪之甚熾取以爲燈卽經風
雨不滅但有雄黃氣故名今漸涸

油花溪 在縣北九十里

大脈溪 在縣北八十里由西路通銅山

神塘溪 在縣北五十里

隆透溪 在縣東三里

百枝溪 在縣南三十里兩山皆松柴薪多出

於此

東溪 在縣東二十里土人掘地得石上題東

溪之湄孕秀懷奇偉哉大夫文章之師寶而藏

之赫然有光視草判花與歸玉堂

沐溪 在縣南五十里源出沐川溪左有洞形

如半月

隆溪 在縣東南六十里古沙州治

磨羅溪 在縣北六里

隆淵沱 在縣西二十五里

犀牛沱 在縣南二十里迺古沉犀處

南安沱 在縣南十七里水濱有石形如雙魚

蟆頤灘 在縣北五里御史盧雍僉事張思齊

鑿石平險至今安流按總志在縣北十里險能

壞舟御史盧雍平之人以為便

石馬灘 在縣北三十里岸上有石馬遺跡

崖門灘 在縣東三十里

金鷄灘 在縣北三十里崖門金鷄二灘號奮

湍激勢若奔雷至秋冬水涸淪沒最苦萬曆間

御史吳檄修竟以難阻今幸水勢改平舟行無

虞

隆角池 在城西乃邑之水星也脉接鳳山一

泓清冽狀元楊升菴有泉頭自古生隆角池上

於今有鳳毛之聯蓋深有取云源自翔鳳橋由

北壇穿城入池嘉定分守喬築臺於中建鄉賢

祠前知縣徐嘗植蓮最盛為一時人文瑞徵後

改為真武觀居民壅遏水道蓮遂敗知縣胡學

載疏種更茂增植楊柳芙蓉其上蕩漾爭妍士

大夫多會飲於此甲申之後水道淤塞樹植無

存矣

榮縣

鳳鳴山 在城為縣之主山相傳古竹實茂盛

有鳳鳴於上故名山巔有文昌宮龍井中有此君軒右有萬壽寺竹梧堂連雲堂霜鐘堂鄂鞞堂前察院行臺布政分司昔人題其景曰鳳鳴朝陽

清富山 在縣城西爲五山之首上有清富樓左有迎曦亭右襲香亭前來薰亭後望熙亭山背壁立九摺宋人大書九摺屏刻於崖畔有石插溪中水湍處亦刻有字曰赤沙步以左右沙皆黃色而此一步獨赤城卽因其險而圍之其

麓爲古榮王府城址其前爲古紹熙府治景曰清富登臨宋丞相張商英記云爲富不清爲清不富二者兼之難乎其名榮公范鎮詩云坐酬風景登清富

蓮宇山 循清富而東在五山中巔敬一亭畔文廟左儒學右諸祠學廡宋太守刻二字於碑陰樹學宮正殿後宋人刻九域圖於碑陽天慶山 聯鳳鳴而左自西至此爲第四山上有天慶觀下有神龜厓蓮花池前爲縣治有愛

蓮亭六合亭

桂林山 在縣城東跨於舊縣學有衡陽王書文明碑五山橫互堞雉聯飛延袤三里望如重城故邑名五山又曰五陵分巡按察司僉事李敦登樹碑於縣題曰小錦城

榮梨山 在縣東十里一名舞鳳山巔有龍池旱不涸雨不溢池口常有雲氣池右有巨石方廣丈餘下爲洞仲淳題其洞曰噓陰山腹有龍洞上下二間深不可測洞中石白如玉兩溪環

流真神物也宋封舞龍爲靈應侯上爲慈雲寺石崖有飛仙足跡長尺有二寸昔人題其景曰龍湫夜月山有古松竹皆作龍形其高可眺百里按總志龍池禱雨多驗有龍形竹俗謂之羅漢杖

榮德山 在縣東十五里一名希彝山宋陳搏初修真處又名大老君與榮梨對峙山在川谷中獨拔五百餘尋上有希彝觀老君祠修道石室二十四所龍池千葉蓮山畔唐刺史薛高立

碑宋判紹熙府曹公希彝山砦保守碑路險遊人罕到景題曰榮德晴嵐按總志在縣北四十里其高插天

大佛山 在縣南一里唐人刻大佛與山齊架殿十層高四十七丈闊十五丈

中和山 在縣南一里屈曲三洞深廣各容百人宋人刻中和二字於山畔

龍頭山 南聯中和上有塔高十尋有三教堂下百步爲榮門山有元壇觀舊名虎頭知縣寧

羌王夢魁易此字移元帝祠以鎮之今有觀在山下廢不治知縣張九思改三教堂後題爲興國寺

鳳栖山 在縣西二里一名望景山上有萬景樓今爲上皇觀山畔有仰高亭有鳳栖古洞麓爲迎恩亭厓下古刻石佛幾萬景題萬景岑樓知縣李銳書傍厓跨水於車熊侯大輅刻洞口桃花於石

榮隱山 在縣西三十里一名筠山有榮隱先

生修道於此石室一所不著時代山左有石方聳如印又名石印山又名老筠臺景題筠山夕照右有雲隱庵按總志在縣北三十里相傳古有雲榮先生修道於此

榮陵山 在縣南二十里上有大柴寺太保祠屢著靈異

奉真山 在縣南三十里左龍頭山右清涼山前巨池周四里擁斯水經其下唐奉真寺今清涼寺在焉

聳雲山 在縣北二里宋太常博士王夢易夫人向氏鑿洞於此山下誓教二子庠序皆成名儒後人題其洞曰講教下有玉泉清冽異常

金城山 在縣北二十里周廻三峰如垣地產古竹榮中第一佳處彌陀寺在焉甲申寺焚竹今無存矣

梧桐山 在縣東四十里山最高廣俗呼梧桐溝

鳳凰山 土門山 俱在縣東三里

馬鞍山 在縣東南四里

龍標山 在縣東十里

蔣家山 在縣東二十里

雲鳳山 在縣東十五里又名雲峰

石鳳山 恩沐山 俱在縣東四十里

磬石山 在縣東十五里有洞廣百尺

板凳山 在縣東十五里

虎榜山 高松山 俱在縣東北二十里

榮門山 在縣南一里

楸木山 在縣南十里

六鰲山 在縣南二十里

雲峰山 在縣南六十里有寺在上

東華山 在縣南二十里

玉龍山 金臺山 俱在縣南

龜泉山 在縣南三十里有泉

五寶山 在縣南四十里有五保鎮

蓮花山 在縣南六十里

天池山 在縣南七十里有天生池天池寺

南禪山 普惠山 天公山 俱在縣南五十里俱有寺

寨子山 在縣南四十里

沙溪山 在縣南八十里有寺

鼎新山 在縣南四十里有寺

亂石山 在縣南五十里

八竹山 在縣南六十里

照石山 在縣南四十里有寺

跨鰲山 在縣南四里古蓮經社

白石山 在縣西十里

龍虎山 在縣西三十里

長山 在縣西四十里

龍皇山 在縣西六十里

慈母山 在縣西二十里

獅子山 在縣西北三十里

真武山 在縣西三十里

獨石山 在縣西二十五里

石林山 在縣西二十里

鐵山 在縣西八十里

石笋山 在縣西五十里

書臺山 在縣西四十里

畢家山 在縣西二十里

宋家山 在縣西二十里

七盤山 在縣西五十里

亮洞山 在縣西四十里有寺

老木山 在縣西六十里

華陽山 在縣西北五十里

洞屏山 九盤山 車腦山 俱在縣西四十

里

圓通山 在縣西四十里有圓通寺

榕紫山 在縣西四十里

玉屏山 在縣西五十里有寺

喻家山 火穴山 俱在縣西北

粉壁山 在縣北十里

茶園山 在縣西北十里

石門山 在縣北十五里

赤珠山 在縣北一里

鳳凰山 在縣北二里

牙腦山 在縣北五里

中華山 在縣東北十里

佛頂山 在縣北二十里

仙人山 在縣北四十里

兩母山 在縣北五十里按總志原在威遠縣

治北一百三十里

龜山 在縣北二里

不大山 在縣北十里

東川山 在縣北三十里

雷崖 在縣東十里

鹿角崖 在縣東二十里有石洞

石鼓崖 在縣南一里

落雁崖 在縣南五十里

梯子崖 在縣南二十五里

青崖 在縣南二十里

紅石崖 在縣南四十里

龍崖 花崖 俱在縣西七里

黃蜂崖 在縣西四十里有寺

竹崖 在縣西六十里

觀音崖 在縣西北一十里

龍灘崖 在北城

赤珠崖 在縣北七里

靈崖 在縣西二十里有靈濟泉

騾子嶺 在縣東六里上有仙跡騾蹄跡尚存

鳳凰嶺 在縣西北三里

鵝項嶺 在縣北二里

琉璜嶺 在縣北二十里

醉仙坡 在縣東二里

老鶯坡 在縣南二十五里

跳石 在縣西五十里

鍋椿石 在縣北三十里三石高十丈齊峙如

鼎足相傳仙人支鍋於此有寺

清風坪 在城北清富樓前

銀盞坪 在縣南二十五里

龍岡 洞雲岡 青岡

栖霞岡 俱在縣西

龍洞 在縣南真如崖下

朝陽洞 在縣南浮圖崖後或云即古清陽洞

蟠龍洞 在縣西十五里

蝸角洞 在縣西十里

地仙洞 在縣北二里

飛霞洞 在縣東舊名老虎洞

乾龍洞 在縣北三里深不可測

真如崖 在縣南聯大佛山麓下有龍洞寺真

如觀一勝亭

浮圖崖 在縣南宋人刻千佛於崖畔又名千

佛崖前有法華庵濯纓亭右有廣志寺

晴雨崖 在縣南山中有泉四時涓涓如雨下

崖上漢靖侯龐統祠川主惠民祠俱知縣王夢

魁刻石

棗崖 連晴雨崖宋榮昌寇作守臣賈昌朝禱

於龐公祠若凱還折資陽銀山鎮祠前棗來過

謁龐公果協賈賈因書石為公立祠刻棗崖於崖畔

嘯臺 在真如崖右相傳為孫登臺

鳳翔臺 在縣東二十里平正方廣十丈餘界

威遠縣相傳有鳳翔集於上故名焉

蓮臺 在縣東與嘯臺對峙

釣魚臺 在縣南十里詳古蹟

五山 在縣北一里

紫金山 在舊威遠縣西五色土石聖廟在下

五雲山 在舊威遠縣南常有瑞雲在上

鳴角山 在舊威遠縣東舊志有鳴角疎鐘為

縣一景

天皇山 在舊威遠縣北

佛頂山 在舊威遠縣西四十里舊志相傳以

古佛臨巖為一景純陽仙題石壁云峭壁流丹

按總志原在威遠縣西北三十里懸巖百丈石

鑄佛像

覆鐘山 在舊威遠縣東三十里形如覆鐘

馬鞍山 在舊威遠縣東十里

大老君山 在舊威遠縣西五十里傳李聃得

道於此按總志老君山原在威遠縣治西高與

峨山相望

小老君山 在舊威遠縣西五十里

石龍山 在舊威遠縣北三十里

印山 在舊威遠縣南四十里

插花山 在舊威遠縣南五十里抵榮縣界

鳳翔臺 在舊威遠縣南四十里舊傳鳳凰來

鳴見前榮縣內按通志山形如臺宋時有鳳鳴
其上祥雲竟日環遶時人刻石紀盛臺下世族
多羅居焉

賭錢臺 在舊威遠縣北六十里舊傳有二仙

奕此

碧佛洞 在舊威遠縣西二十里

朝陽洞 在舊威遠縣西五里前榮縣內亦載

此洞

青羊洞 在舊威遠縣東十里

高洞 在舊威遠縣東六十里為邑水口

龍洞 在舊威遠縣東五十里前榮縣內亦載

此洞

燕子洞 在舊威遠縣東三十里

文昌洞 在舊威遠縣東三十里

風洞 在舊威遠縣東四十里佛頂山下

來儀洞 在舊威遠縣南四十里鳳翔臺下戴

九公養真於此

中峰山 在舊威遠縣北一百里山峰高聳與

資縣分界

榮川 即古遯水在東按總志東合雙溪注焉

壽川 在縣南曲如壽字

東川 在縣北源自東按總志在治北源自陵

陽流出川谷中多產藥苗

五龍溪 在縣東十里

桃梅溪 在縣東十五里

樂陽溪 在縣東二十里

蔣家溪 在縣東二十五里

渾水溪 苦竹溪 俱在縣南二十五里

照石溪 在縣南三十里

桂村溪 在縣南四十五里即偏土橋

蘆葉溪 在縣南四十里

梅子溪 紫金溪 俱在縣西十里

玉字溪 在縣西五十里

谷芽溪 在縣西六十里

虎頭溪 在縣西北六十里

龍溪 在縣北五里

雙溪 在縣北三里按總志自西南來者濁自

東來者清合流注富順

梅香溪 在縣北三十里

清流河 在縣西四十里即長山河

龍洞河 在縣北二十里

梧桐溝 在縣東

白楊溝 在縣北

巖泉 在縣西

雷鳴泉 在縣西提學王文書刻石

古泉 在縣東李銳刻石有鯉躍出

天生池 在縣西十五里

一碗水 在縣西十五里石泉旱不涸

倒流水 在縣北三里

倒潰塘 在縣南三十里

仰天渦 在縣北四里

鐵牛沱 在縣西四十里

長潭 在縣西四十五里

龍馬漕 在縣南十里

鳳翼洲 在縣南十里科第視消長最驗

賴葉灘 皆長山河古諺衆水遶城如束帶羣

峰附郭似排衙以此按榮山川兩支肇東北者

山祖陵陽北來而東達於南河川源梧桐溝東

合龍溪而注於南河肇西南者山祖龍虎山西

來而達於南河川源資江北合雙流而注於南

河城跨北山而東西南瀕水爲隍此內條之山

川也外四十里繞以長山河由東北而注於東

南藩以鐵山由西北而達於東北此爲外條之

山川也回環重抱蓄奇蘊靈

龍會河 在舊威遠縣東四十里勢如蟠龍

中溪河 在舊威遠縣南十五里抵榮界

清水溪 在舊威遠縣北有清水嘉魚爲一景

硫黃川 在舊威遠縣治北四十里源自山壑

中來傍有竅硫黃隨流泉而出按明一統志川

傍一泉有硫黃氣因名

秦川 在舊威遠縣西南二十里秦惠王克蜀

移秦人萬家實之天寶間名秦川

獻寶溪 在舊威遠縣西北七十里其源一自

仁壽羅泉井山中發一自兩母山發至此合流

中溪 在舊威遠縣南雙溪清水之側

水利附

本州

呂公堤 在州城三江門外宋守呂由誠築以

避水今廢

沙壩 在東城外頗寬平民爲蓬屋其上水漲

則徙近千家蜀中濱江州縣所僅見也舊有稅

二十餘金給諸生油燈今裁舊生齒繁庶力不能任木瓦率蓬居此地兵荒後城中猶寥寥數家無復住此者矣此康熙六年所志也

佛前壩 在大佛前三江會流之中識云沙洲過佛前嘉州出狀元今洲似魚形幾抵河岸遠過佛跌矣

老江壩 在治東南十里岔水中央縱廣十餘頃民耕牧其土

青衣壩 在治東南十里與老江壩隔一水

白巖壩 在治北十里又有菜市壩與白巖聯

小渡壩 在治東北隔錦江以小萬渡得名

麻平壩 在治東北四十里出玉門子兩山夾峙如門路由其中

安谷壩 在治西十五里即安谷鄉廣於諸壩

隔沫水

舊市壩 在治西即舊市鄉與安谷對岸

無底壩 一名無比壩在沫水中央縱廣十餘頃

周村壩 亦在沫水中央縱廣數十頃

田坎壩 亦在沫水中央縱廣如無底

石柱壩 俗名迴龍廟壩亦在沫水中央縱廣

如周村以上四壩皆安谷分地而異名沫水支

環而成洲稍稱腴曰引水便也卽州西南對岸

亦安谷鄉地故曰廣於諸壩

紙房壩 在西尖山下迤東有古家壩鮑家壩

皆接壤

長草壩 在治西過尖山渡至蘇稽者是

葫蘆壩 在治西二十里蘇橋鎮之上

洞子壩 在治西三十里過蘇稽河龍灘尾與

臨江溪接壤

楠木堰 在治西十五里起安谷鄉朱家塲至

馬落濠止引沫水

白灘堰 在治西十五里起白灘渡至龍口山

止引沫水

隧山堰 在治西十五里起石邛洞至烏木椿

止穿洛都山而過如隧道然故曰隧山引人參

溪團魚溪諸水

迴龍堰 在石柱壩引沫水以迴龍廟名

周村堰 在周村壩

無底堰 在無底壩

田坎堰 在田坎壩

蝦蟆堰 在安谷壩地名泉水眼其水無源

貓兒堰 在治西舊市鄉起黑巖引沫水

紅花堰 在治西與貓兒堰接壤引沫水

黃金堰 與紅花堰並行引沫水

崖龜堰 在治西四十里邁東引沫水

筒車堰 在治西二十里水口引沫水

張公堰 舊名牛特堰引青衣水西流灌南木

園田數百畝工費甚鉅兵火後修築非時堰日

淤塞田就荒蕪居民多逃川西崇慶溫郫等州

縣少叅張督附近百姓設法鼓舞力為鑿濬用

千餘人數閱月而堰復舊遂使南木園又成沃

野逃人聞之皆復故業因名張公堰

永豐堰 在治北十五里起風洞子至白巖壩

止亦穿山爲洞如隧道然引綿竹鋪青衣水僉
事張思齊開知州魏曾節修

牛頭堰 在治西六十里符文鄉引峩眉河水

小壩堰 在治西五十里符文鄉引峩眉河水

白土堰 在治西六十里符文鄉引峩眉河水

銅鑼堰 在治西三十里滑石引臨江溪水

皂角堰 在治西三十里葫蘆壩引峩眉河水

州人生於稻稻生於水無堰者名爲山田又名

雷公田聽命於雷雨者也凡堰源須濬培流忌

塞若堰非人則源不治豪強橫據則流不通歲

歲爭水甘蹈大辟此司牧者最宜亟講也名堰

則沫水過半利賴詎不大哉保平平羌二鄉多

山無堰間有之亦溝澗細流時有斷續不足恃

雖多築塘亦無源僅清水耳不雨則涸故二鄉

稱瘠

峩眉縣

乾壩 在縣東十里

大興壩 在縣東南二十五里卽古濫壩

泥溪壩 在縣北八里

渴睡壩 在縣北九里

槓楠壩 在縣南三十里

沉西壩 在縣西四里

新開壩 在縣東二里

茅草壩 在縣東北城牆下

皂角壩 在縣東南十里

石匣壩 在縣南二十里

千秋壩 在縣南三十里

紅花壩 在縣南二十一里

蘆壩 在縣西南二十三里

土壩 在縣西二十五里

麻葫壩 在縣西北三里

上官壩 在縣北三里

後壩壩 在縣南二十里

波凌壩 在縣北十里

神逢壩 在縣東八里

洪雅縣

上壩 下壩 下市壩

天池壩 官田壩 安寧壩

中保壩 義恭壩 河滄壩

竹箐壩 反渡壩 梧邨壩

蓮花壩 院壩 麻柳壩

趙家壩 孔家壩 大田壩

小河壩 紫口壩 硝水壩

魚龍壩 晉王壩 九角壩

大龍溪壩 楊邨壩 白土壩

中壩堰 張受堰 鮮家堰

金釜堰 龍鶴堰 小堰

下市堰 梅子堰 黃堰

按總志有金釜堤在治東十五里金釜山下鑿石成堤源接雅水灌天池壩一帶田畝亂後崩圯康熙六年知縣李果重修民蒙水利

峽江縣

向君堤 在縣西南延袤數里因蒙江水齧岸明知縣向君捍之鋪沙澗中得白金一篋資以

就堤故一名白金堤

雲吟壩 在北郊

古賢壩 以李觀名

下鄉壩 在治南

寬心壩 在東路

雙碑壩 以二楊墓名

漢川壩 在南路

羅溪壩 在縣東

南安壩 卽南安廢縣

水心壩 喬家腦 俱南洲也

永興壩 在西路

金子石 三洲之一

席草壩 在東山中

長草壩 在南江岸

疑狐壩 郭村壩 俱在縣西北

市街堰 在縣南一里分流灌在古鄉

永通堰 在縣南三里分流灌永豐鄉

龍興堰 在縣南十里分流灌漢川鄉

八小堰 同一溝也每一里築土為閘湧水上田遶東城而下灌與平新仙等鄉

鑿箕堰 在縣西北五里於大江分化流遶山而下灌永興鄉

廖家堰 在縣北山溪也灌北郊雲吟壩

大堰溪 在縣西二十里亦小山溪也灌南安

壩

劉公堰 新名也在縣南十五里因漢川一鄉

原用龍興堰水利以地方稍遠水心難周往往

失旱民多逃亡土人倡議白於縣令劉際亨遂行勘視決意新開不數月而渠成得播種焉百姓德之遂以其姓為名

按峽邑有三大堰八小堰之名同出青衣江水分灌溉焉外此山渠溪澗亦多資之而最苦難者莫過於正堰江流急而下堰水緩而高必於大江中流編篁截之復盡一邑之人每歲早春時極力疏治俾闊而深乃得有濟惟在為上者時勤踏勘敬戒疎慵使豪滑者不致漏役則工

多得以易成矣

犍為縣

學堂壩 在縣南一里

黃旗壩 在縣東一里居兩水之中土人類治

圃種蔬貿易為生今無人未墾此康熙二十五

年志也

景星壩 在縣南十里

下壩 在縣南三十里建下壩水驛

園村壩 在縣南二里土沃多水利

虎哮壩 在縣南十里大江之左無人未墾即

舉人陳天一家死節處

望鹿壩 在縣南十三里民皆植桑養繭以供

賦稅今無人未墾康熙二十五年志

賴里壩 在縣南四十里

馬鞞壩 在縣南五十里宜賓接壤今無人未

墾康熙二十五年志

淨江壩 在縣北十五里

杏壩 在縣北四十里昔黃角扁水出怪石作

潮凶湧商賈累經覆舟知縣胡學戴捐俸治平
建水神祠至今行舟無恙

四方壩 在縣北六十里道通州郡村民頗集

面壩 在縣北六十里與三峩對面故名

犍爲壩 在縣北九十里一名龍池壩即古玉

津縣治

馬桑壩 在縣北一百里民皆植桑養繭

天池壩 在縣北一百里與馬桑連

大井壩 在縣東三十里道通榮縣

添壩 在縣東北九十里接壤井研

筒車壩 在縣西二十里農家多用桔槔引水

故名

落疆壩 在縣西二十里與清溪通

城南大堰一座北黃土坎鄧玉大塘一口

開遠鄉舊塘五口舊堰二座新堰七座新塘一

口

東蒙下鄉舊塘四口陂塘三口舊堰一座新堰

二座

清溪鄉舊堰二座新堰一座

東蒙上鄉舊塘二口陂塘一口舊堰六座新塘一口

安仁鄉舊塘十二口陂塘三口新塘一口新堰四座

清流鄉舊塘十二口新堰三座新塘一口

隆池鄉舊塘二口舊堰四座新塘八口

普寧鄉舊塘二口陂塘四口舊堰二座新堰一座

紫雲鄉舊塘三口舊堰二座新塘二口

進寶鄉舊塘三口新塘七口新堰一座明末甲

申後墾處不到修復者少

皇清康熙二十五年九月內農功始畢知縣顏諮蒞

任著頭里凡近塘堰者重加砌築近筒車者預

儲桔槔限期報竣旱荒始有備

榮縣

菱草壩 在縣南三十里

鐵爐壩 在縣西四十里

土壩 在縣西四十五里

席草壩 在縣西五十里

賴河壩 在縣北五十里

陽西壩 在縣北六十里

栗子壩 在縣南四十里

荔枝壩 在縣南三里

欽定古今圖書集成方輿彙編職方典

第六百二十八卷目錄

嘉定州部彙考二

嘉定州城池考

嘉定州關梁考

嘉定州公署考

嘉定州學校考

其舊定波樓已西燬於火李侯采重建東南二
門濱水成弘間屢築屢頽正德十三年知州胡
侯準深固其基而厚疊以石堅緻完密屹然金
湯今近百年奈西水暴悍而東城一帶又為內
水浸灌時有傾塌而補葺之竟不如胡侯所修
之堅矣胡侯城東南即調去至嘉靖三十三年
李侯輔乃城西北按總志城西北倚山南東臨
河水齧城壞正統中知州段鑑成化間魏翰捍
以石堤正德中胡準復掘地深八尺砌石厚如

之編柏為柵以附石東城高十有四尺南一丈
六尺周二千餘丈

皇清康熙四年上南道張能麟知州高仰崑重修

屬縣

我眉縣城池 縣舊為土城週圍八里高一丈
外環以壕明正德七年僉事羅翊督知縣趙鉞
易以石城開東南西北四門各建以樓依舊池
濬深三尺闊五尺引水以灌民田十一年知縣
吳廷璧增修週圍共五百四十一丈高一丈八

尺嘉靖十九年知縣崔炯以江石漫牆面可通
游覽於南北兩隅復增二門東為文昌門南為
瞻峩門西為武振門北為觀澗門南門之東有
新南門又名迎薰門西門之北有拱辰門原俱
有城樓今皆廢燬僅存地址按李膺益州記云
隋開皇九年立峩眉縣以山為名縣在南安之
西峩山之東唐乾元間獠叛移就峩眉觀東則
今之城基自唐時始矣明趙吳兩令建築自明
末至今疊經劫火兼之山水不時暴發傾圮將

盡今於

皇清康熙乙丑歲知縣房星著奉行佑修按總志是
僉事盧翊督趙鉞建築正德十二年知縣吳廷
璧修

洪雅縣城池

成化十九年知縣王讓初築土

為之週一千二百丈高一丈三尺門六東曰賓
陽南曰受熏西曰慶成北曰拱辰縣前曰絃歌
聲教學前曰太和元氣正德八年知縣楊琪始
易以石屢經水嚙天啓三年知縣陝嗣宗採石

增修經獻寇傾燬

皇清康熙三年知縣李果增修崇堅綿瓦易其額東
曰大生南曰迎熏西曰懷美北曰承恩縣前曰
觀成學前曰連雲按總志正德間知縣楊麒重
築包以石萬曆中知縣聞道立增修週一千一
百丈高二丈二尺外環以壕

峽江縣城池 建邑以來歷皆土坏上覆以瓦
至明天順中縣令郭奇始為磚牆成化間主簿
費麒砌門覆樓正德中縣令楊潤補葺之僉事

盧翊始令用石包砌增堞崇二丈延九百丈有
奇自崇禎甲申歲張獻忠據蜀後以蜀人不服
必欲屠盡而後他往丙戌春分兵四出賊一支
抵峽甫六日而城郭宮室焚燬殆盡矣又將城
垣雉堞拆毀之後以

皇清大師臨北獻賊授首餘孽乃遁去城毀近十八
年縣令劉際亨於康熙二年來任次年即行修
理建立門樓越二載工成而邑制重新矣後又
為江水所潰崩塌數處縣令孫調鼎又重葺之

尚未完固今奉修築力加培護自能垂久至於池在西南城下者卽青衣江之分流至城南而注爲潭土人呼曰縣沱下流卽爲三堰實資灌溉焉其北城以東又卽八堰之水環繞而下因以爲池所缺者止西北一小隅及東南十數丈耳昔曾決土爲壕今復淤而諸堰之經流則終古不變焉按城圖長圓而中直名曰半月臨江爲門有五東曰東暉門今爲迎恩門南曰南安門今爲披薰門西曰西成門今爲賓峨門北曰

北望門今爲瞻極門鬢門爲聚奎門今爲鍾英門

犍爲縣城池 明洪武初縣丞陳興築土城久而傾圮成化三十三年知縣錢承德復築倍高瓦覆久而亦圮正德間知縣李文璧改砌石城嘉靖間主簿王世淵以石加女牆東南近江處每歲水漲衝塌丁未爲甚知縣葉履謙加意修砌掘地三尺累石與堤平而後引繩廣深堅固城垣周圍八百丈有餘高一丈五尺馬道六尺

城壕深三尺闊五尺萬曆癸卯大水衝塌知縣
鄧全性修砌年遠水勢愈改逐年小修而其石
塊單薄卑隘日甚崇禎十一年知縣胡學載奉
旨一款毋憚勞費以繕城隍請詳院道各照原
額鄉甲丁糧均派加高三尺幫厚二尺馬道八
尺令民自雇工匠石以三尺五寸為度並不收
分銀粒米入官以滋吏弊與主簿顧之泰典史
劉應秋不避寒暑巡督省試士民信服其心急
公樂成更於大門建大樓一座魁星門建風雲

閣一座八面玲瓏刊名賢詩賦其上辰三峩而
襟錦水頗有黃鶴岳陽之觀自明末甲申後樓
閣傾圮城垣非舊

皇清康熙二十五年奉

旨修補在案知縣顏諗甫任於斯即日同儒學吳之
彥典史吳士貞不避荆棘環閱城池不分蚤暮
重加修葺但規丈尺計工費功力重大不無有
待按總志正德間李文璧包石外環以壕
榮縣城池 舊土城沿四水為隍宋崇慶三年

郡守曲臺岑象始修爲石城紹熙丙辰加修圍二千五百五十丈通五門東富義南興賢西南紹熙西和義北清富成化二十二年知縣鮑珪以舊城遼曠頽圯靡治改方七里爲步二千九百有奇後興賢門圯於水復減築週九百九十八丈高一丈八尺博一丈五尺嘉靖三十三年知縣劉軒增高五尺內週通馬道廣一丈二尺仍五門東龍陽西迎恩南青陽西南安定北陽西嘉靖二十一年知縣熊大輅以南山虎視蹲

踞面見非宜移右百步改曰會流北門亦移左百步堞樓周四十座堞樓明時久圯按城背負五山週沿四水真有得夫形勝之雄者矣竊有歉于正北一面焉蓋古圍二千餘丈正欲全據高險之勢鮑因惜民力而省築之舍鳳鳴山首而斷跨之令在外俯瞰城中殊覺未當

皇清康熙二十四年六月奉行丈週圍城垣八百九十一丈四尺高一丈八尺博一丈二尺按總志城九百九十七丈闊一丈二尺外環以壕

威遠縣城池 石城明正德初主簿錢宣建知
縣張鉉增修周一百八十二丈

皇清康熙六年歸併榮縣

嘉定州關梁考

總志州縣志合載

本州

臨江關 在治北白岩清風洞前久廢

二石關 在治東

嘉慶關 在治東凌雲寺右

嘉禾關 在治北久廢

紫石關 在州北嘉眉界山石皆赤因名明知

州鍾振建

大石橋 在州東五里犍榮岐路按總志在治

西

承宣橋 在北門外

張公橋 在承宣北按總志古竹溪橋也高三

丈長六尺覆以房因橋北有桓侯祠因名

洞山橋 在治東北十里

普濟橋 在大西湖堤上

駐驄橋 在州西五里俗名馬湖橋

卷洞橋 在西江外

圓通橋 在西漁村

大佛橋 在石像山下

環舟橋 在州南青衣壩西符文鄉亦有大石

又有小石大抵橋皆有石惟張公石上架木覆

以屋亦惟竹谿大洞山及山東大石次之餘皆

不能並馬而馳然非是則病涉矣

高石橋 在州治東南一里

永濟橋 在州治西

棠陰橋 在治北

趙家渡 在治東南一里

黎家渡 在治東

九龍渡 在治東北

白灘渡 在治南

合水渡 在治南

小萬渡 在治北

橫梁渡 在治東

小銅渡 在治南

峨眉縣

土地關 在縣西南五十里

大圍關 在縣西南八十里舊設巡檢於此

鐵橋 在縣城北即古通秦橋又名永濟橋明

成化初知縣李禎以鐵鑄橋磴砌石豎屋上可

通輿後因山水暴漲改變水道遂毀今每歲冬

初作板橋

虹溪橋 在縣東四里每歲冬初搭板為橋

小銅梁 按寰宇記在廢羅目縣西南五里

觀瀾橋 在北門外

問源橋 在飛來岡前水自峩山出

儒橋 在縣城南門外即化龍橋古名勝峰橋
十里橋 在縣東南十里

雙飛橋 在縣城西三十五里峩山下深澗阻
絕賴此橋得渡橋下有牛心石

高橋 在縣南二十里太平墩路北

虎度橋 在縣西入山四十里傳云晉僧欲遊

黑水因溪漲憑虎而渡後因名後張鳳狷安磐
諸人遊此更其題曰七笑橋

文武橋 在縣南八十里

黑龍橋 在縣南一百一十里

洪雅縣

竹箐關 巡檢司久廢

瀘溪關 聶鸞修

袁家橋 在止戈鎮下

鐵鎖橋 在瓦屋麓懸崖飛渡聯鐵鎖數十丈

覆板僅容足

大石橋 在城東知縣李果修

桂花橋 在慈雲寺麓

正陽橋 在隱蒙山麓

花溪橋 在縣西十六里

孫家渡 在縣西二十里

楊家渡 在縣西五十里

河滄渡 在縣西六十里

徐村渡 在水賴磽

慈航渡 在縣南二十里

天池渡 在縣南二十里

高岩渡 在縣南一里

節娥渡 在縣西五里即今馬湖渡

止戈渡 在縣西十五里

瀘溪口渡 在縣治東

金釜渡 在縣治東南

峽江縣

按峽邑古無關名止千佛巖孔道上巉岩下江潭一徑中通曲折上下險出天成真要隘也明時有水雲閣景最可觀後燬於賊明末守土者因其地以為關立樓建坊於前名曰鐵石關

皇清順治十七年逆賊郝承裔叛於雅安我師不及
覺適偵卒至詢知之突禦於鐵石關上賊半日
不得渡百姓乃得奔入深山荷以保全

四至橋 在縣東城外

迎恩橋 在縣南一里凡迎送詔旨俱於此故

名

萬里橋 在縣東城內

望峨橋 在縣西四十里

通遠橋 在縣東五里

太平橋 在縣南五里

白馬橋 在縣北二里

通濟橋 在縣北門外

龍泉橋 在依鳳岡下西十五里

虹橋 在聚奎門外

觀音橋 在縣南十五里

板橋 在縣東十里

獅子橋 在縣南十八里

天生橋 在縣化成山之右即景為耳名非徑

也

魚涪津 在縣西三里

十面渡 在縣西北三十里通洪雅州丹稜諸

處要津也

南安渡 在縣北二十里

靈泉渡 在縣西北五里千佛岩下今廢

周家渡 在縣西二里通峩眉正路

弱馮渡 在縣南二十里即弱馮鎮

陶家渡 在縣南三十里通嘉峩小路以上諸

渡及津俱屬青衣江

犍為縣

石馬關 在縣北三十里有石馬蹲踞下即化

隆臺

四望關 距縣七十里

翔鳳橋 即古烏羊橋在縣北一里

三江橋 在縣東一百里三江鎮古析川縣

貢舉橋 在縣南十五里

沙溪橋 在縣東北九十里

雙寧橋 在縣南八里

二氏橋 在韓鄆二家之間

女思橋 在縣南一里淑先雄思親泣此故名

跨虹橋 知縣陳懋功修

槐鳳橋 在縣東南七十里

迎恩橋 在縣東十里

大石橋 在縣東五十里

新瑤橋 在縣北四十里

天生橋 在縣西二里

榮縣

靈濟橋 在城南唐貞元癸未刺史張修建

望仙橋 飛仙橋 東華橋

子孫橋 玉岡橋 銀瓶橋

臥龍橋 龍腦橋 印仙橋

普通橋 永鎮橋 壽川橋 俱在

縣城東其飛仙橋修圯不常

長山橋 偏橋 道士橋

金石橋 跳石橋 小石橋

聞喜橋 何家橋 虎頭橋

通惠橋 俱在城西南其通惠橋修圯不常

安定橋 在城西南宋紹興郡守晁公武重修

郝家橋 蓮花橋 雙石橋

進賢橋 俱在城南其進賢橋修圯不常

迎恩橋 范家橋 玉溪橋

觀音橋 團壩橋 堯家橋

通判橋 西橋 俱在城西其西橋修圯

不常

清流橋 濟澗橋 俱在城北

來蘇橋 見總志

觀音橋 在舊威遠縣東十里

華延橋 在舊威遠縣東三十里

中溪橋 在舊威遠縣南五十里抵榮縣界

上橋 涂家橋 俱在舊威遠縣北

下橋 在舊威遠縣東今三橋俱廢

義津橋 在舊威遠縣治南

觀瀾橋 在縣治北

嘉定州公署考

州志

本州

嘉定州治 枕海棠山接高標之脉紆曲宏邃
皆合法度正堂六楹贊政廳四楹正堂後爲居
敬堂後爲知州廨廨東爲挺秀軒以古柏名軒
前爲庫甃以磚石繚以周垣既高且堅知州楊
佐修袁子讓重修廨後爲甘棠樓舊名桂花樓
東爲同知廨舊有督糧判官廨今裁併於一又
東爲吏廨西爲儀仗庫又西爲判官廨西南爲

吏目廨六房分列兩甬路上東房之下爲土地祠中爲戒石亭亭前爲儀門門之西爲獄南爲寅賓館館之後爲豫備倉折而東爲大門譙樓其上門外有總鋪及申明旌善二亭陰陽醫二學施以行馬監以坊表列之屏蔽翼之榜房規制釐然具矣按宋時州治旁有明月澄江荔枝等樓皆廢按總志治在兩川合流之際卽郭璞所定明洪武初修補嘉靖間知州唐朝湖於治前建川南首郡坊亂後圯

皇清康熙初知州高仰崐重修

察院 舊在州前右鄰闔闔新在崇明門河街南面青衣沫水而錦江東環之舊爲遞運所嘉靖十四年改分巡下川南道治隆慶中改分守上川南道治萬曆二十一年改爲察院

分守道治 在州學西高阜處舊爲布政行司萬曆十一年改建前後地皆易民居以拓之者按察分司 在州治東二百步許舊爲凌雲驛嘉城山阻水地勢窘窄民居難容卽公署亦難

展拓

凌雲驛 在城北錦江濱近古龍游縣久裁按

總志凌雲水驛在州治東

遞運所 亦在城北錦江之濱近古龍游縣治

所則河泊之遺也久裁按總志遞運所在州治

東

平羌驛 在治北四十里三溪之下荔枝灘之

上平羌後周郡名隋改爲縣唐因之宋廢按總

志平羌水驛裁

僧正司 在凌雲寺

道正司 在萬壽觀

演武場 舊在高幟西塔前水涸則於沙壩後

改北四里關王廟南易民地遷丘墓爲之事在

萬曆十五年

河泊所 按總志在州治西今裁

金石橋巡檢司 按總志在州治東南四十里

今裁

豫備倉 按總志毀

水次倉 州志未載按總志在州治北收糧撥運以便民者今圯

九峯公館 按總志在州治東御史熊相創萬曆初僉事石櫨修建

養濟院 去北城一里

漏澤園 在養濟院北巡撫喬又檄創一區在菜市壩

屬縣

峩眉縣治 在城正中宣德二年知縣潘麟修

成化二十二年知縣李禎修嘉靖十七年知縣崔炯重修中建大堂五楹後有二堂三堂內宅嘉靖十九年知縣王鳴鳳於後園復建望峨樓凡四進庭前左右有贊政廳月臺下有皂隸房東西列六房甬道中有聖諭坊前爲儀門三楹門左有靈官祠寅賓館後卽主簿衙舍儀門右卽典史衙舍門內外古柏成行列大門卽鼓樓門前樹屏壁甲申亂後傾圮

皇清康熙壬子年知縣朱昇重建粗具公廨規模餘

俱未備主簿衙舍奉裁後久廢大堂東原有磚
庫一座今無禁獄原在靈官祠後

赤阜倉 常平倉 俱久廢今奉文修置於大
門左右粗立義社常平二倉收貯備賑

察院 舊在治東康熙庚戌年為峩邊遊府衙
門時遇各上司過往無駐節處康熙二十四年

知縣房星著捐修公署一所作行臺察院
中鎮巡檢司 在大圍關今廢

峩邊營遊府衙門 在治東

鄉約所 東南西北各設二所

洪雅縣治 明成化十九年知縣王讓建天啓

四年知縣陝嗣宗重修增廣廳舍崇禎十七年

獻寇屠蜀止存正衙

皇清康熙三年知縣李果增建後樓胥舍左建書齋

多樹桃李額曰花勝河陽儀門外建寅賓館孔

邇坊復燼康熙二十三年知縣何永駿重修儀

門大門鐘鼓樓按總志明成化二十一年建萬

曆初增修康熙六年重修

察院 在治東知縣王讓建頽圯知縣陝嗣宗重修經獻逆止存大堂康熙三年知縣李果重修

僧會司 在壽聖寺今裁

道會司 按總志今毀

義倉 舊花溪鎮原設常平義社三倉義倉移設義和鄉三寶寺社倉設中保正中寺常平倉設察院右

演武場 舊設治東濱江水嚙知縣陝嗣宗遷

建治西郊隅

峽江縣治 明洪武初縣令易迪始修舉焉正

廳三間左架閣庫一間右贊政廳一間後川堂一間又清心堂三間思政樓一座東西六房各五間儀門三間申明旌善二亭左吏舍右禁房以及賓館譙樓大門皆備至明末如故丙戌春燬於賊遂構茅爲室

皇清康熙三年劉際亨爲縣令重修二十四年知縣李大成建

聖諭坊於中門內併修理贊政廳及禁獄倉屋皆成
獨鼓樓大門缺焉

督糧廳署 在縣署右南向今廢

巡捕廳署 在糧廳右東向舊制無存前捕官

構屋一進今因之

行臺察院 在東城正街為賊所焚今之公館

乃明吏部郎中張珽故宅也

分司公署 在察院前街今廢

陰陽學 醫學 今俱燬

永阜倉 在縣署左今廢

豫備倉 在縣署右今改為常平倉

社倉 在南安碧雲寺奉文新立

僧會司 在毗盧寺今燬

道會司 今廢

養濟院 在城北隅今廢

演武廳 今廢

漏澤園 與邑厲壇近

犍為縣治 枕舞鳳山明洪武初年縣丞陳興

創立後因圯散成化間知縣錢承德重修大堂三楹知縣周慶地重修堂東爲庫萬曆間卑隘不便防衛周慶地稍次於後甃以磚石繚以牆垣又後爲知縣廨大廳三楹樓三楹耳房左右各三楹東爲主簿廨西爲典史廨六房東西各五楹中道有戒石坊坊前爲儀門門之東爲賓賓館館後爲靈官祠知縣吳道美重修門之西爲獄出中門爲大門譙樓門外有總鋪東有旌善申明二亭西有陰陽醫學二學面豎坊表知

縣周慶地顏曰漢郡名區左右二坊知縣吳道美題曰敬信節愛知縣胡學戴於大門內左豎徵局十楹正堂前郵亭三楹衙內點易齋一所註玩易圖說凡三十七圖甲申後僅存大堂譙樓二層磚庫一楹

皇清康熙六年間知縣劉靖寰改譙樓爲平門復於大堂前左右各建四楹爲六房所及戒石坊前儀門三楹堂後思補堂三楹又後築臺高三尺許建燕居堂三楹於下左右各建房三楹主簿

奉裁無廨典史秦光明於縣堂右約橫六丈許
另為典史廳三楹廳後內室三楹二十四年典
史吳士貞建川堂一楹

察院 在縣之東街督學勞題風亭

布政司 在縣東街

沉犀驛 在縣東

三聖驛 在縣北六十里有三聖石按總志燬

下壩驛 在縣南三十里

僧會司 在縣西大定山今頽毀無存

演武場 在縣東北錦江岸

預備倉 在縣治東北今頽毀無存

永通鹽課司 按總志毀

四望溪口巡檢司 按總志在縣東北一百里

裁

石馬溪巡檢司 按總志在治北四十里

養濟院 按總志毀

漏澤園 在縣北門外

榮縣治 唐建於天慶山前宋仍之元末兵燹

偽夏為萬戶府署洪武七年判官馬公輔修復
東西三十四丈南北六十五丈九年改為縣十
二年知縣馬福增修嗣後修葺不一正統間有
知縣尹士恭正德間有知縣白繪嘉靖間有知
縣王夢魁隆慶三年有知縣張九思皆更作之
石屏二座名邑坊一座今坊廢譙樓三間今廢
儀門五間即舊譙樓樓東寅賓館今廢牧愛堂
即正廳正廳東贊畫堂今廢左右六房左長府
石樓靈官祠土地祠縣禁鑾駕庫正中知縣廨

左主簿廨典史廨右吏廨西承發架閣大門之
外東西俱榜房按總志

皇清康熙初知縣簡松重葺

察院行臺 在正街今廢

布政分司 與察院行臺近今廢

行春所 在小南街即州館今廢

來牟公館 在縣西五十里今廢

賴遠公館 在縣南七十里今廢

松林公館 在縣南四十里今廢

平濟倉 在正東街今廢

預備倉 與平濟倉近今廢

新羅鹽課司 在縣治南八十里今毀

陰陽學 醫學 俱在大門外左今俱廢

僧會司 道會司 按總志今俱廢

閱武場 在北城外今廢

養濟院 在東街

營房 在縣後之左今廢

貢井鹽廠 在縣南七十里

嘉定州學校考

州縣志合載

本州

嘉定州儒學 洪武初在州之西南本宋元舊

址同知楊勵重修二十七年嚙於水知州楊重

欽學正李敏遷於方響洞之上正統十一年同

知柳芳學正黎浩遷明倫堂於後山天順八年

訓導曾智具奏遷今地蓋高標之鳳翼左掖也

九峯屏峙三水環流據其勝矣正殿凡四楹明

倫堂凡四楹前為桂香樓樓北訓導宅前為杏

華樓樓圯今爲學正宅堂之後爲自邇自卑兩門分階而上爲高美亭今廢高美亭之上爲敬一亭啓聖祠義文周孔四聖亭羅憲副緄重修堂之前爲露臺臺東爲祭器庫興詩齋西爲立禮成樂齋三齋今以居訓導其南爲誠敬門卽二門門東西爲號舍又南爲聚奎坊門弘治末年攝州事馬湖府同知廖森建坊門之外東爲文昌祠西爲生敬門通入

文廟之戟門門凡六楹左祠名宦右祠鄉賢門內

爲丹墀列兩廡生敬門南降階而下爲大門大門西爲櫺星門門下爲通衢東西列兩坊南爲泮池又南爲射圃一云學宮爲程初亭重建基據嘉州之勝固矣而規模結構軒敞宏麗宇內之庠鮮有其儷黠寇袁韜起營時燬之獨大成殿不敢舉火而炎威薰灼其不卽傾者神之靈也少叅張能鱗駐節謁廟卽慨然嘆息踰年力爲經理一切梓楠磚石丹堊之屬皆易自遠方首治正殿旣堅且好輪奐之美比於昔時次建

明倫堂堂之下爲六齋後爲啓聖祠尊經閣正殿前爲兩廡爲戟門爲名宦祠鄉賢祠爲櫺星門次第經營雖較昔稍隘然規模已畢具矣按總志儒學嘉靖中知州陳嘉言郡人御史程啓克相繼增修泮池週迴四百丈甃以石

皇清康熙五年守道叅議張能鱗知州高仰崐重修又按本州山川志云半月池卽學前泮池形如半月周圍數畝環以石欄有泉水不涸十年以前滿池皆蓮實以薦於廟而今無矣且半就淤

塞後復建虹橋其中尋廢

高標書院 按總志在城內高標山守道張能

鱗建集諸生讀書其中

學田學租 一分坐落峩眉縣桑菌子種六石

一分坐落本州楠木園種一石有零

一分坐落本州紅花堰種一石有零

一分坐落犍爲壩老木孔等四處田種共六石

一分坐落聖水寺種三斗

一分坐落峽江縣九磐口除崩塌外實存種六

斗有零

一分坐落尖山子種六斗

一分坐落大坪山等處除崩塌外實存種一石

零

一分坐落小渡壩陸地種七斗

二分坐落牛心寺實存種六斗有零

一分坐落辜家壩陸地種八斗

一分坐落普安鋪種三斗久荒未種

一分坐落興福寺種四斗

一分坐落歇氣山種六斗久荒未種

一分坐落安谷壩種二斗

一分坐落麻坪種二石久荒未種

一分淨雲庵陸地種八斗

一分坐落峩眉縣共種一石有奇

一分坐落峩眉縣種一石九斗

一分坐落犍為縣三江鎮觀音寺共種一石

一祭忠臣胡公田種四斗三升坐落大石橋

一祭修學御史程公田種四石坐落峩眉縣天

池寺

萬曆四十年巡按朱萬春捐銀一百五十兩助
買學田五石三斗六升遞年徵租六十石零
一分坐落安谷壩種七斗一升
一分坐落符文鎮種一石二斗二升
一分坐落蝦蟆壩種一石二斗一升
一分坐落白岩壩種八斗九升
一分坐落南木堰種七斗四升
一分坐落九谿鋪三斗九升

一分坐落曾家壩種二斗

一沙壩原額徵銀三十五兩內除十五兩充本
州公費外其二十兩給本學燈油之用

屬縣

峩眉縣學 殿宇原在縣治西南宋慶曆元年

建元至正中重修明成化二十二年知縣李楨

遷治西去古學一舍弘治十三年知縣任伯進

遷縣南街嘉靖四十三年遷城外馬寨山堂萬

曆二十九年又遷城外南街天啓二年署事峽

江知縣董繼舒復遷南門外馬寨山堂前甲申之亂廢燬癸巳年復取舊察院圮廨材木仍於城內東門街粗置殿宇至

皇清康熙乙巳年知縣李莊年始卜遷城外鐵河橋之北一云學舍舊在學宮後自兩次遷學學宮尚無住舍康熙乙丑年知縣房星著因學宮遠居河北於新察院左捐買宅地一區始粗置堂宇為臯比之所一云學宮自屢遷之後規模草創止有戟門大殿啓聖祠祠復日久傾圮其餘

堂廡齋祠衙舍泮壁牆垣俱未修設康熙二十四年春知縣房星著奉文議修甫築垣牆修葺戟門正殿按總志儒學明洪武初建

峩山書院 在舊察院東明正德間御史黎龍建今廢

學租 康熙八年奉查康熙十一年呈報學田上田五斗每一斗徵學租京斗穀一石共每歲額徵學租京斗穀五石收貯縣倉自康熙十九年係縣學徵收候文支用

洪雅縣學 廟址舊在城西宋紹興元年邑令孫詔遷今地嘉靖四年重修成化十九年知縣王讓建正德十年知縣楊琪重修天啓四年知縣陝嗣宗增修經獻寇止存正殿亦圯

皇清康熙三年知縣李果修

修文書院 與學近天啓五年知縣陝嗣宗捐俸買民基塑宋諫議大夫田獻翼公錫像祀焉院左開青雲街今廢

學租 京斗穀四石九斗四升四合一抄六撮

峽江縣學 在縣署東南正街明洪武中始建嘉靖丙辰歲縣令陳松增修萬曆間縣令楊可賢又於廟前豎立牆石遇亂悉燬

皇清康熙十一年總督蔡毓榮捐金數十金責知縣喬振翼力行修舉因建正殿一層東西廡各五間戟門三間名宦祠一間康熙二十二年知縣孫調鼎又於廟門左右建立義路禮門坊整理泮池古坊

學田學租 水田一段坐落乾江上壩共種一

十五畝五分地基四畝二分共納租二十一石
水田一段坐落施家下壩種一十三畝續買三
畝二分共納租一十五石

見在學田 下田六畝徵京斗租三石六斗

犍爲縣學 宋祥符間在沉犀東知縣左震遷
於縣之城南元末火於兵洪武初陳興重建成
化丙午冬知縣錢承德重修萬曆三十九年知
縣陳懋功遷於南城外一里四十六年知縣吳
道美復遷舊址正殿凡四楹明倫堂凡四楹堂

後轉東爲啓聖祠爲敬一亭堂前爲露臺東爲
進德齋西爲修業齋直出爲道義門門東爲誠
敬門正殿外爲丹墀兩廡東西階而下爲大成
門門左魁星閣右文昌祠外爲櫺星門前列泮
池豎金聲玉振坊池東爲儒學門雖復舊址而
木植拆出復立者率多朽腐後復傾圮崇禎乙
亥知縣胡學戴銳意改正移櫺星門向如故外
立太和元氣坊建新明倫堂三楹於

文廟後堂左右爲進德修業齋齋下左右立二坊

一日敬敷文教一日樂育英才補修舊明倫堂
爲講堂遷文昌宮於左鑿泮池教諭何孟麟建
啓聖祠三楹於新明倫堂後左爲教諭齋右爲
訓導齋甲申後僅存明倫堂將頽

皇清康熙九年知縣劉靖寰與典史秦光明督諸生
捐資修建二十四年儒學吳之彥典史吳士貞
建啓聖祠三楹教諭毛國宣訓導傅教嚴重修
文昌祠今頽毀無存

五隆書院 在城西北隅正堂三楹堂前東西

號房各三楹後有樓多植桂知縣徐景元建萬
曆戊戌兵憲顧汝學題其扁曰雙桂軒

社學 四門各一吳道美修年久傾圮知縣胡
學戴重修今頽毀無存

射圃 在察院西

學田學租 明撫院譚買田種一分權租三十
三石察院王買田種一分權租三十三石提學
道批允各分田租共二十一石今籍沒田荒無
據稽復

見管學田二畝一分每畝應納京斗租穀八斗
見徵京斗租穀一石六斗八升

榮縣學 唐武德元年建於桂林山宋乾德三年移近興賢門紹興十二年郡守孟侯遷於蓮宇山開禧二年守袁桂立二鴈塔題郡人登科者姓名教授劉道成記略云榮雖藩邸重鎮學凡三遷始得勝地及元末兵燬明洪武六年四月初八日降榮州儒學印時判官馬公輔學正張朝祖仍創於桂林山天順元年舉人龔匯奏

復今處四年按察僉事汪知縣劉清修堂齋成
化十七年僉事俞澤署縣判官御史戴中改修
尊經閣正德十四年僉事王雱知縣毛秀移尊
經閣於右後興廢不一至

皇清知縣簡松重葺

崇仁書院 大門三間儀門三間正氣堂寢門
號房自鄉賢以下俱廢祀革除兵部侍郎胡子
昭於內知縣王夢魁修御史鄢懋卿題名
榮川社學 在南正街

來蘇社學 在泮水街

樂陽社學 在桂林街

清流社學 在西城

典賢社學 在東街

榮德社學 在鳳鳴山左

仁義社學 在城西

長山社學 未詳所在今社學俱廢

